



潘墳一首都御史
淮安人

登世 蕩蕩資生德悠悠報本心風雲通時變日月快登
臨顯氣浮宸極靈氛下石林翩翩雙鶴駕飛上碧雲岑

潘珍一首婺源人

南天門和陳石 重門萬仞倚天開直上平虛亦快哉
雲隔塵寰看不見出門一笑下天來

蕭珍一首僉事江
西人

秦松鬱鬱 崖上松愛護自神理虬軫駕天門翠蓋無暑
雨揚志玄冥端那復美金紫顧蒙大夫號千古自溪耻

胡伸一首

秦松五松轟轟凌霄漢千載猶蒙秦帝恩草木喜瞻龍
馭過儒生翻自抱深冤

龍瑄一首 江東人

秦松二世空為萬國圖咸陽宮闕已荒蕪當年駐蹕東
封處惟見蒼髯五大夫

白世卿一首 金事歐西人

登岳着屐登高地詩人得共遊五更常見日三伏早生
秋雨向山腰起泉當石眼流岳靈通變化萬里走神州

姚奎三首

太僕丞常熟人

泰山雪後曉天紅日放高晴小坐山輿踏雪行凍樹裹
花春有迹寒溪結玉水無聲煙銷絕頂群峯露風度虛
巖萬籟生老衲雲深知我過數聲清磬出松迎 **五松歌**

用東坡韻黑龍潭中蛇毋出霜鱗剝落腥雲濕慘慘長

髯十兩針挺挺直骨三千尺神靈呵護元氣鍾驅霆戰
雨搖蒼空堅剛節操振今古濫爵肯受秦王封波濤滿
地陰風起萬籟颼颼成律呂材堪柱國苦弗試蕭然遺
棄空山裏青青顏色無秋冬吞冰吐雪經歷礪工師一

日如相逢終當獻入蓬萊宮
蒙恬大將扶蘇子萬里
策勲封不與却將官爵授五松
祖龍顛倒乃如此咸陽
一火二世亡五松留得塵
空蒼真宗六龍昔巡幸亦名
御帳揚休光猗歟松兮遇
知己傷哉處世多奇士負才
抗節竟沉淪不及寒松乃
多矣我來幾度坐清影綠陰
滿地蒼烟冷撫摩長顧
哀歌空山落日愁奈何

章忱一首 太僕丞
會稽人

登岳瞻彼岱岳尊屹屹
諸州空光碧天合倒景黃河
流朋從肆登陟振珮凌
烈秋仰視九霄曠俯覽八極周

梅守德六首 右給事中宣地
人今提學副使

登岱嶽三首
喬嶽平生歎方夢想天門今日遂攀躋層巒

迥出青霄上曲逕回看白日低
雲氣東連蓬海外煙光西與太華齊
却慚作賦非能事盡日淹留思欲迷
曉氣氤氳開洞府巖光噴薄出雲根
參差紺宇臨丹壑紫翠煙蘿挂石門
滄海波濤浮日月朝昏風雨別乾坤
行行漸覺塵寰小五嶽應唯此獨尊

玉皇顛上倚危闌萬頃烟霞入壯觀
仙樂似聞霓羽奏天風時拂斗牛寒
九霄雲護秦壇古十載苔封漢碣殘

歲莫登臨多感慨不堪回首望長安

靈巖二首

振駕沿修渚褰帷度碧岑
寰中捐俗鞅物外

愜招尋石磴千厓轉風泉萬壑深
白雲殘照裡隱映一

禪林

杖錫臨丹壑珠宮隱翠微
臺高金粟影龕

護鍊禪衣香樹流雲滿巖光
逐鳥飛尋幽懽不極迢

遙却忘歸

甘露泉一首

一脉靈源何處尋
百花香氣徧叢林
洗心

真是三昧水潤物猶為九夏霖
碧樹蒼厓相掩映天光

雲影共浮沉臨流便覺離塵空
清興翛然欲濯纓

寶明一首蘇使

登岳登登泰岳山乾坤睇只尺
杖屨隨雲雷星斗礙冠

幘一顧塵氛消清風生兩腋
再顧心神舒川源滿肝膈

更服堂倚空歇馬殿射碧穹穹
南天門兀兀舍身石山

輿下高樹鼓吹導前戟昏黑抵
絕巘神祠聳天脊光靈

怖此心奚翅仰炬赫歆饗集萬方
山海貯金帛一榻枕

山阿松泉和絲葦夜半東
峽皆海底訝日赤

許應元五首

副使錢塘人

伏宗伏宗肅肅標東紀絕頂虛傳不死庭
碑憶漢封三

觀迥樹留秦岱五松青陽池日浴深能見陰洞雲流乍
可聽此日風煙聊振袂休將峴首嘆沉冥 岱宗夫何
如岩堯出雲表登茲俯象繹吾欲觀魯道闕里窈且崇
昔人已陳草尚想吳門喻今知天下小同 齊行人爲言
里環裏亭 香騎青林駐登臺翠甸新雲山存吏隱詞藻
待王人花日初停午蘭標欲麗春憐君竹溪興竟夕對
清真重臨泰山山城曾試吏十載更登危丘壑心期在
年光鬢髮衰物情聊對酒習性尚耽詩自是一贅叟文
離侶昔時 泰山別語 朝出乾封門言涉泮河水朱

陽麗初暉征雲一何駛顧瞻緬夙昔風景復相似魯山
猶在望吾行自茲始

范瑟一首

中歷
城人

登岳 雲河漠漠棲巖畔風影冷冷十八盤玉女泉飛山
亦潤芙蓉峯絕暑猶寒百年塵世三春夢萬里乾坤一
咲看暮倚石闌星斗近不知身在白雲端

馬麟一首

知州
西人

登岳 峻嶒泰岳回天地此日登臨慷慨長萬壑風聲喧
草木滿山雲氣濕衣裳秦封漢峙形盤踞魯甸齊丘勢

渺茫一逕漸通天上界欲從何處問青皇

黃省曾一首

懷秦嶽齊魯開東岱遙空青未休長安元帶眼吳會樓
舍昨去待山鷄報孤看海日一流穆丘君若在吾得擁琴
遊

王邦瑞一首會事宜陽人

泰山頌嘉靖乙未午月庚午王子東遊言陟秦岳仰瞻
峻極祇若神明惟我國家秩望之典今皇中和之
休仁德溢流奠此東土因憇作頌用紀遐觀頌曰帝出

乎震秦岳巍巍維天為大維山則之冥冥玄化赫赫神
祇鑿觀在上青陽是司功先四隩德贊二儀膚寸興霖
扶桑麗杲柴望明堂瓊芝瑤草秦越非遐齊魯如抱絕
頂浮雲天下可小堯舜無為仲尼有道百王仰止萬世
攀登鴻濛太始無得而稱高不可極厚不可增彼秦與
漢侈志繁興金函玉笥徒媿山靈於維皇明中和建極
天地定位山川效職廟祀孔嚴祥光四塞降甫及申爰
及稼穡億萬斯年奠我邦國

蔡汝楠二首知府德清人

同許泰安令高里環翠亭
高里亭元勝風花春載柔還
陪仙吏躅得共白雲遊仗劍連華淨傳杯竹葉浮如何
葛洪宅星座俯芝丘
泰山書院古柏影接馨香近聲搖
戶牖清空中白雪餘海上古龍精小憇依春翠高樓憶
鳳鳴晚來雲稍起神動岳嶂嶸

高誨三首

通判合
肥人

登岳翠削芙蓉萬朵開瑞烟繚繞護仙臺瑤池宴罷金
虬去明月昇空紫鳳來兩靈歸雲棲樹杪夜深出日見
蓬萊向時未到天門上九點齊州祗浪猜踏碎芙蓉

萬壑秋無端造物與心游斗聯西北天樞近海堦東南
地軸浮涼影月窺雲外榻寒聲風滿鴈邊樓胸中塵土
都消却一枕清泉不斷流石梯萬折凌天表曾疊峰
巒青未了巉巖飛瀑半空落冷澗冰花結林杪南天回
首眼界闊烟霧沉沉寰宇小興高漸覺風生腋岳頂迴
旋看秦石俯凭日觀望蓬萊曉浴金烏海波赤舉頭西
北神京在五色晴雲時變黠青天可捫星可摘沆瀣淋
漓濕東壁欲呼玉帝呈琅玕山高風露羅衣寒渺渺天
空下笙鶴平收宇宙胸中寬桃花峪口路深遂怪石嶙

响懸若墜五松齧漢吐紫烟欲訪仙人在何處金泥玉
檢埋秋草七十二編斷遺臺寒鴉啼上野棠枝涼月娟
娟山石老

李炯然一首 郎中

舍身崖舍身崖下深難測每怪輕生世上人我亦有身
偏自重舍時除是為君親

成周一首 主事無錫人

登岳崔魏泰岳首稱宗睥睨乾坤一顧空吞吐煙雲迷
下界盪摩日月淬高峯秦碑無字名空在唐刻磨崖辭

自封逐客窮攀傷往事不勝癯骨受剛風

周津一首 御史慈谿人

明堂成周天下八百年東巡朝會明堂前遺址依然堂
軻力到今登眺留真傳

鄭芸一首 御史

登岳未了紅塵事聊辭白玉關披雲從月闕跨鶴下人
間世味淡如水夢魂多在山留連憇龍峪何日再躋攀

湯紹恩一首

登岳曉霽天門放遠暉岱靈有約幸無遙山雲擁道迎

仙蓋海日開嵐上繡衣萬里輿圖收秦時九霄象緯拱
神扉追思千古登封蹟暮靄荒臺掩翠微

傅鎮二首 御史

登泰山 芝蓋天門路雲旗日觀臺目含滄海小橋跨赤
城嵬松豈秦封屈碑疑頌漢開禪書今可上誰賦長卿
才 秦殿倚秋山高開紫翠間星輶迎日下仙掌躡雲
攀巖立天低宇晴披曜照寰省方慚受簡恭代禮神還

李綸一首 僉事

登絕頂 雨霽登臨興轉生群山數點發新青風迴華表

搖空漢日擁瑤宮逼太真輯瑞尚存虞舜澤傳燈獨有
魯宣經乾坤俯仰知何際萬里浮槎一使星

王廷幹二首 行人 澤

登岳 秦岳逼中天登臨萬象懸臺觀滄海日殿拂紫微
烟山水名誰並乾坤勝獨專若堯何可極推筆白雲連
絕頂試登攀風烟縹緲間舜巡留社稷禹敷舊河山
月宇夫門道芝房青海灣英靈窮八極此地隔蓬萊

劉燾一首 推官 天

從佳 侍御二月登山阻雪 過眼鶯花春未殘再隨駉

馬步山磐雲浮碧殿爐烟細雪滿蒼崖樹色寒秦嶺應
憐行路險漢宮疑似降仙難日觀峯上瞻東海空懷
霞駕彩鸞

王文孝一首

編脩東平人

登泰山仗曉步層峯吟眸望轉通懸崖啣日斷石磴拂
雲龍看齊魯千年秀乾坤一指中禪封昔此地登眺意無

窮

郭蓋一首

洪州人

登泰山峯巒壁立翠雲屯太極初分此嶽存鬱鬱古松

蟠御帳層層石磴接天門山桃野杏花爭發曲澗方泉
水正溫秦漢登封遺址在蹟歸來天色欲黃昏

經彥采一首

寺副全州人

登岳岱宗積翠鬱蒼蒼春日登臨上碧霄耳畔側聞天
語近峯頭平對玉宸朝漫憐美玉驂鸞鳳會見乘槎犯
斗杓安得憑虛凌八極盡將民瘼達神堯

汪伊一首

寺副徽州人

遊山勝地幽懷久有興冒暑來攀藤行曲徑嗽石
聽鐘雷古木環宮殿輕雲落酒盃掃苔看臥刻鐘磬出

林隈

仲言永二首知州寶應人

翠岳層巖高閣敞晴暉十載重臨夢不違
玉女獻花開雪釀仙翁留訣進霞衣
青霄此日瞻三象碧嶽何年築
一扉遊賞方殷烟月上風林遙送暮鐘微
玉皇閣危閣倚魯齊山河入望遙
天橫關塞鴈日抱海門潮霧露開
朱旆雲霞度碧簫自然幽賞契不用社僧招

林應麒一首府同知隱居人

遊石屋仙郎雅興好幽尋共訪仙
閣入碧林繡壁忽開

丹地穴靈泉疑泄洞天深
上方雲磴空中轉下界烟花
望裡陰媿我支離久漂泊
始從塵世識初心

浦應麒一首編脩無錫人

遊石屋秀色千峯合靈源
萬籟潺湲響疆開曠野禹服奠
高山星漢當頭近煙雲滿目
班悠然小天下遺跡若爲

攀

杜泰一首進士長清人

登石屋寰海雄蟠獨此山
金莖瑤草秘封壇崑崙西望烟
雲渺滄海東連宇宙寬

谷繼宗一首 進士歷城人

元日登泰山南麓試筆仙壇柏酒新誰於草莽識詞臣

南山先祝千年壽北斗長瞻萬里春雪抱翠屏鷹自化雲披丹壑鹿多馴王喬終作吹笙侶不敢乘鸞謁紫宸

劉爾牧一首 進士東平人

登青帝真源迥霞芬鬱律齊谷風吹海樹晴日盈山

霓金闕雲邊出玉繩象外低誰言坤極小禹貢盡雕題

陶欽臯六首 御史彭澤人

登泰山南州秀色結衡廬秦岳孤嶂更不虛此日仙靈

來劔珮中天樓觀下庭除青霞獨擁秦松嶂絳節雙懸

玉帝居石室祇今迷往路侍臣何地訪丹書 遙遙仙

使伴村春處處天風灑石淙澗底撻無蓄犢飲峯頭長

有白雲封誰憐詞客歌春樹慢聽山僧散午鐘飯對胡

麻聊自餉轉來瑤草定相逢 幾年清夢如天姥七月

肩輿來泰山蜃氣齊浮仙闕紫嵐光細染客衣班直拚

身在烟霞外空使名垂宇宙間日傍丹梯愁窈窕風生

玉樹夜聞珮 獨扣重門謁岱宗東皇坐處彩雲濃空

移蓬海非三島莫問天台第幾松爐熏斜壓仙人杖山

色平臨古殿鍾從此秋懷定成癖青霄白露洗芙蓉
秦安靈正林鳴鸞天孫昨渡河上房谷此閨歌海嶽堪同
賞詩篇許更過侵星凌絕頂浴日允恩波愧爾林和靖
蕭疎意故多**酬肥叔**論揚舉參差列宿傍慘淡曉雲
張海日千峯小河流一線長投詩垂不野與對酒惜年光
但卜楊雄宅無心武帝鄉

徐紳一首

御史建德人

登泰山曾聞天上一玉皇宮絳節星垣且向此逢半夜日光
耀海色四時香霧捲天風金函玉檢似通群帝五嶽三山

第一峯回首下方城郭在不知雲壑幾重重

吳遵

一首

御史海寧人

登秦嶽峻嶒倚碧霄陰崖白晝自風濤西縣鳥道天
門迥東指扶桑日觀高秦祠尚依清蹕路漢壇虛拱玉
宸朝長安此去應千里北斗城深睇望勞

吳伯朋四首

御史義烏人

登岳秦岳由來一洞天振衣清曉上危顛千年齊魯登
臨外萬里江河咫尺間漢時秦封餘蔓草蒼松翠栢自
雲煙凌空頓有飛揚意漫酌流霞喚謫仙**又次吳初泉**

韻蓬玄峭壁插丹霄龍口飛泉噴白濤天入扶桑滄海
瀾地臨汶濟碧霞高纜登越觀思鄉國又戀長安望
帝朝滿眼乾坤俱甲馬不堪南北正疲勞 絕巘渾疑
在絳霄潏潏流水帶松濤千巖雨過天光淨三觀風寒
日色高讀盡碑崖憐異代書無封禪感 清朝春山啼
鳥斜陽外歸路崎嶇未覺勞遊靈巖千次歸于沈韻東
巡千里驅車轂康濟何能成虛碌我聞古寺名絕勝乘
輿杳然入山谷洞口窅窅別有天懸崖倒石俯瞰田禪
房深深依花木鐘磬冷冷度雲烟呼取老僧來相揖爲
問茲山開闢迹指點殘碑空記年往事都付春風前洞
天雙鶴歸何處獨上山頭試甘泉凭高暫憩松陰下未
數東山相匹亞忙來祇得今日閑且對明月坐清夜問
君何事底艱辛只爲浮名絆此身明朝攬轡又南去應
被青山笑殺人

方正脩四首

主事昌城人

登岳 岳麓俯疑眺幻宇盡塵埃因憶羨門子曾霄瞰九
垓 陶侃夢八翼側身飛雲門碧霞差亦近稽首問天
孫 日月懸雙彈乾坤一大荒最高峯頂上端拱坐於

皇 孔眼天下小扶桑入大觀五雲試翹首何處是長
安

沈應龍一首

都御史
烏程人

登泰山 五嶽岱稱宗雄峙齊魯界屹然障東維中原地
氣會殊方傾仰止有懷竟茫昧秉鉞酬夙期巡歷振行
旆明禋陟危巔精神原夙戒有禱應即隨神功信廣大
亢曠降時雨彤雲布雲謁霽河淤餉道湮甘泉發清瀨祇
承 天子命寔是惟神啟賴禮成撫清景六合真可隘山
空絕塵囂悠然聞天籟賴飛僊招我遊乘鸞忽長邁授我
參玄訣殫霞吸沆瀣日觀俯滄瀛紅光吐輪蓋吳越望
中迷黃河曲如帶臨風拾瑤芝坐石吟松檜秦封與漢
時殘碑荒草外弔古復思齊時撫膺增感慨北虜猶陸梁
倭夷又顛沛稽首問崧嶽何如獲康泰

曾鈞一首

都御史
鍾陵人

泰山紀遊 名山東峙獨崔嵬千丈靈光接二台金削芙蓉
迎日出玉爲樓閣倚天開鑪煙風暖浮秦樹石檢年
深鎖漢臺一覽乾坤空萬劫落霞飛彩入吟杯

雍焯

御史
涖人

遊岱嶽題名 巡按山東監察御史雍焯偕布政司叅政
林應亮按察司副使牟朝宗王教王撫民僉事任希祖
都司署都指揮僉事牛天賜以嘉靖甲寅冬十月之晦
登茲山到羊蕪幣肅拜于碧霞宮既乃東上揖嶽神省
燕室爰遂升高伏謁 天帝捫石表耿寶庫追嘆秦漢
之誇侈也因之眺望海石上夕雪晨霽陽馭方升巖谷
晶輝煙雲陟降相與詫茲遊也諒不偶然爰命郡官紀
諸崖壁

登泰山二首 千里齊城仰岱宗 青山盤礴秀穹崇 峯高
日觀瞰蒼海 岳擅天齊巨域中 百代登封傳盛事 萬方
香火戴玄功 清朝一覽靈巖上 雲淨風消曠宇空 從
來聞說此山高 一上崔嵬眼界豪 龍峪顧瞻出萬仞 天
門咫尺摩層霄 霄中有表傳秦漢 柴望無人頌似陶 覽
躋諸峯盼空廓 雲霞茫渺海天遙

何廷鈺二首

御史邵武人

登岱 萬仞驚看絕巘高 一人登此百人勞 宿願已酬民
力竭 賞心贏得一揮毫 探竒此地步丹梯 酌罷閑看
處處題 獨憶宣尼登眺後 無言悟教古今誰

馬三才二首 御史仁和人

層巒萬仞開新霽
 乘暇登臨逸興偏
 山出雲重飛鳥外
 林深春盡落花前
 天門迢遞丹霄路
 海日蒼茫碧樹煙
 十二齊疆何處覓
 麥苗盈隴水盈川
 覽勝春遊萬里來
 僊宮縹緲入雲隈
 秦松披拂仍餘蔭
 漢帝登封空故臺
 石壁有輝騷客賦
 岱宗無補使臣才
 丹宸白髮頻回首
 惆悵峯頭各一回
王女池 王女何年去
 名猶在水濱
 雲疑畫眉客
 月似洗粧人
 風外聽鸞佩
 天邊憶鳳輪
 不逢仙子降
 空拂鏡中塵

王紹元二首 御史金溪人

登岱岳 驅車歷秦魯
 東望王女峯
 瞻彼泰山岑
 五嶽專名宗
 雲霓貫雪嶠
 石磴繁叢叢
 東觀掠扶桑
 西眺弱海濱
 上有王髓泉
 揚英接空濛
 周流十二亭
 中列蓋珠宮
 秦松鬱蒼蒼
 漢柏參虬龍
 登封七十帝
 效厥稱元功
 綿事已矣矣
 王帛隨颺風
 卓哉軒皇老
 秘妙奪天工
 渴漱沆瀣漿
 饑吸朝霞紅
 一舉蹈虛郭
 年與茲山同
 至道豈遠而元命
 在厥躬
 吾非斯人與
 浮世徒忡忡
 蓋宮珠闕
 巒嵯峨
 門倚青天掛
 碧蘿
 鎖斷半山環
 日月皆躬干

甲帶江河秦壇玉氣崇幽渺漢縉金書射太和

昭代聖王皆舜禹喜無封事入山阿

孫應奎四首

左布政
餘姚人

河清撫臣

命報代宗獲與陪祀禮成而返作皇獄

少慕五嶽遊夢寐亦勞止馳驅三十年俯身登闕里是

時河始翕顯佑歸帝社撫臣肅恭命報禮虔裡祀

職事叨裸將對越靈孔通嘗聞太平頂白日烟霧紫便

擬上天門峭立登封趾夜半扶桑紅獨觀天地始無端

促四馬真搜憾遺理但見仰彌高磅礴大無涖影落滄

海平柱卓乾坤起所幸識渾淪萬有包含此因之思具

瞻四方入綱紀鄒魯世所宗秦漢蹟徒侈獻述明堂心

泥封茂陵耻聖治方唐虞東巡一道揆輯瑞合群工

護駕及泉水身參百官富瞻觀宗廟美勝遊豈姑待欲

速戒中毀吾志切有期響答谷神唯

欽命修理岱廟因視工登嶽拾級登登上泰岑萬峯羅地

白雲深調琴澗落天河水積翠臺分月樹陰薄海縱觀

同物與中台成位兩間心更賔日馭開長夜獨倚高明

望孔林百王靈貺仰攸同香火當天有闕宮風雨歲

時行造化文章鄒魯破鴻濛齊居晚宿青霞上絳節朝
參紫氣中七十二君齊燮理網盥扶日盪遙空是日細雨多雲
氣行盡丹梯逼上台白雲宮闕迥蓬萊弄丸夜色明
三島長嘯天聲動九垓江海東來看砥定乾坤平覽一
徘徊定應尼父登臨處只在高頭不用猜

魏良貴一首按察使
新建人

○登王長安宗即事有述是日積雨初霽杖策高尋上女峯
披雲始見碧霞宮山含雨意嵐光動日射天門紫氣重
絕壁虛疑存漢蹟斷碑何處覓秦封憑高舉手運六合

宣父遺踪在眼中 岱宗靈秀鬱龍從俯視東南百二
峯上界樓臺懸日月中天積翠削芙蓉登臨頓覺人寰
小呼吸真看帝座通稽首明禋何所祝願言 聖壽此
山同

楊宗氣五首按察使
陝西人

登泰嶽四首 予讀孟子書孔子登泰山而小天

下未常不起登天之嘆嘉靖庚戌竊參齊藩政迺春日
獲陟其巔俯瞰八埏洞觀六合形神飛越宇宙咸空孔
子之見詎敢妄擬孟氏之言信不我誣既而甲寅乙卯

復再登眺覽勝採奇心愿頗足夫百年寄旅慨蓬梗之
飄遙幾度信觀感浮生之直遇敬擬鄙作用紀歲時
巍巍秦嶽鎮齊東此日登臨天地空西盡函關雲嶺直
東來海渤曉霞紅秦碑虛無凌霄上魯殿參差在眼中
時有幽人騎白鹿乘風便欲駕青驄

宦跡幾番登秦嶽明禋禮數剩瞻依始皇何日觀蓬海
御帳經年送落暉斷碣苔封新刻滿故宮形在昔人非
白雲孤鶴時來往我欲相邀一振衣

翠微雲瑣天門迥碧海波搖野望明巖壑陰幽行鬼魅
芙蓉削出勝蓬瀛秋風御路虛秦幄斜日封臺想漢
千古丹丘同日月何人從此得長生

一上巔崖眼便寬乾坤萬里坐中看封禪臺迥天光近
日觀峯迴海色闌覽勝果然天下小憑虛頓覺歲時寒
紫霄華蓋塵凡隔翻怪吾生行路難

遊靈巖寺

翠巘崔嵬萬木稠珠宮貝闕在高頭長松蔭

日諸天靜古塔凌霄石徑幽世代文章留斷碣乾坤名
勝即丹丘却憐塵鞅遠僧定空對煙霞夜暮愁

裴紳七首

提學副使
蒲州人

泰山篇岱岳何崔嵬彷彿凌三台攀緣四十里望在白
雲堆下瞰青濛濛元氣蕩無垓日月懸雙闕照耀金銀
臺蒼松掛絕壁素鶴拂丹隈更上玉皇頂天風如欲催
烈烈無時歇雷雨爭喧騰聳身逼閭闔極目望蓬萊鳥
沒天仍遠雲昏晝不開中央見滄海光搖僅一杯雄哉
鎮萬古俯視盡枯壘真人冥冥棲茅龍偏見猜憶昔秦
皇帝求仙海上來羽衣落金節雄文空斷崖踵之有漢
武孟浪非仙胎徐氏載秦女樓船竟不回羨門何處是
丹丘安在哉乃識翠華晏終令黃竹哀我來極覽眺竟

日而徘徊因之嘆往聖荒唐不可裁沉吟殊未已探討
惜難該短述謝山靈竅慙作賦材登泰嶽三十六盤何
嶮巖曉來登眺自忘疲眼看山頂疑無路身在雲端不
自知嬴氏五松寧故物唐人千仞有磨碑古今興廢只
常事金簡玉函亦太奇 詰旦肩輿度逶迤陰晴變化
亦堪奇登高更眺仙人掌覽勝還過玉女池雲裏頻穿
雙袖濕峯頭一覽萬山卑天門長嘯仍回首萬里清風
向我波祀嶽神皇帝二十有二春撫臣將命祀嶽神
懷宗仰體綸音重文告驚看御墨新縹緲香雲圍紫蓋

喧闐笙磬落高景，泉石對越情。無極願祝洪禧及兆民。
題靈岩寺 十佛古寺環山碧，此日登臨憶所聞。瑞鶴千年
巢寶樹，靈泉一派洗塵氛。達摩泛海袈裟在，支遁開山
世界分。遙望翠微僧舍遍，鍾聲朝暮下白雲。再度苦
提境於時春，又深眾峰攢寶剎。一徑步雲林，坐愛松蘿
色。時欣鍾磬音，上乘如可得。早晚欲相尋，林霽山門
合。羣迴徑路分，岩堯連岱麓。清淨出人群，法雨來空界。
是日微雨 天花散貝文，時方憂旱切。鉢底望風雲。

王敦二首

副使華亭人

登泰山 泰山之高何可訾，三十六盤路縈迴。金烏半夜

海底浴碧桃，千樹池邊栽。秦松漢柏供御帳，金簡玉笈

餘經臺。瓣香春仲肅拜禮，和風晴日天門開。冥冥元

氣壓洪濛太始還，司造化功海宇區分杯。掌視山形羅

列子孫同宣尼，此日曾開睫。控叟何年識御風，七十二

君空故事。聖朝崇正禮，偏隆**題靈巖寺** 重巖延代舊。古

剎隱峯環，一勺靈泉聚。千年寶樹香，袈裟看化鐵。日葉

誦忘洋，是寺經卷多 欲借東林宿蒲團。意頗長。

奉朝宗二首

副使賓州人

登泰山 岱宗奇峭倚天東 天府封題禮數崇 齊魯地偏
形獨勝 古今時異仰皆同 荒臺人指秦皇碣 幽壑松蟠
宋帝宮 幾欲尋源渾未識 凭高萬里御長風 登日觀
天風不落地 半是泰山遶足底 雲生處 平看晚日斜

俞憲一首 參議無錫人

泰山頂上作 迥絕使人懼 古今稱岱宗 溝壑分汶水 丘
垤俯群峰 晴蓋時沾雨 風雲層巒疊 曾乾坤 歸壯麗 臺殿
入春容 指顧青霄小 迴看滄海重 荒碑秦代蹟 廢時漢
人蹤 仰止訓初服 登臨感晚鐘 幸逢 恭已日 無復議

東封

趙勳五首 僉事番馬人

登泰山 奇峰高處白雲邊 雄蓋乾坤毓聖賢 蓬島烟靈
擅東服 上青真氣住金天 虞巡柴望禋宗古 周符明堂
禮意虔 獨怪漢秦封禪冊 玉簽金篋總塵篇 南天陡
壁望中迷 絳節冲霄上玉梯 手掬銀河寰宇小 身連牛
斗太虛低 朝參止許徂徠近 襟帶曾無海岳齋 勿訝女
媧空着脚 補天今我亦招提 謁王文廟 際天朱閣動瑤
琳 龍口泉飛白尺深 煙竈有丹留妙訣 碧霞無計換清

陰靈光返昭芙蓉色烟境空存羽翰音沉壁未緣誇慶
曆憑虛瞻對肅冠簪**五天夫松**蓬瀛蒼翠冠天門千古
名封澤尚存青帝五雲開御帳玉皇仙地種靈根霜侵
月影來丹鶴鴈盡秋空隱白猿躡足龍盤回首望鬱然
惟爾共乾坤**念日觀**月明道士靈巖來夜半重登封禪
臺銀漢中天看斗北金波浮影報暘回火山乍見焚東
海犧馭俄驚耀上台萬里朱光呈瑞氣赤霞紅漲望中
開

曹金四首

僉事祥符人

念雨後朝暉靜嶽壇百年臨眺屬春殘初經帝帳方
壺曉漸入天門宇宙貫雙引管籥通玉闕徧尋封禪倚
雲磐瑤臺古寺清尊晚看竹吟風興未闌五嶽嶙峋
五氣橫東皇開闢自蒼精根盤海窟窮三島壁立天樞
建一擎石金雲封秦處士蕭鄉臺謝魯桓卿丘陵雅曲
人難和小魯峰前春望平霜節凌煙坐翠微翛然恍
與世相違數聲清磬飄何處幾片閑雲照客衣玉女池
連春草動倦人鶴傍彩霞飛壺巒惟許山僧住一任鶯
花對落暉**念身崖**危崖幾萬仞捐命亦何爲汨水江邊

樹清風嶺上祠前身應髮鬢後事竟阿誰幻業千年障
空餘白骨知

李遷一首

知府新
建人

遊靈巖寺芳春再上靈巖寺拙吏乘閒便勝遊萬壑烟
霞塵外賞三齊風物望中收泉分石溜雙鳴鶴泉名樹
隱金沙並結虬却恨此生多世諦上方徒羨未能留

項守禮二首

知府奉
化人

登嶽次侍御吳初泉公韻簾洞更衣入紫霄風吹御帳
起松濤羊腸鴉背盤盤曲龍口天門節節高過化樓前

懷往哲登封臺上慨先朝何當拋却塵寰慮乘輿重來

不憚勞次侍御吳初泉公韻萬仞嵯峨倚碧天好風送

我到山顛彈丸赤縣微茫外杯勺黃河縹緲間南望白
雲凝暮靄東瞻紅日帶晴煙十洲島應非遠海上何

勞漫覓仙

朱應奎一首

知府
建人

登泰山我昔曾過泰岳前未暇登眺卽言還豈獨山靈
笑我俗勝事相孤亦悵然今日重來須縱目攬衣直上
山之巔不妨舉手近天日但教穩步渡雲烟天仙地迥

碧霞繞日觀，臺高紫氣聯。隱隱尤可辨，岡嶺茫茫何處。
覓桑田身跡，恍如塵世外。光景疑為馮沌先，更欲憑虛
何所往。人生卽此是登仙。

陳中二首

知府 汴陽人

遊泰山宿碧霞宮公館 遊覽乘間過岱宗，躋攀曲蹬幾
千重。未從絕頂耽清興，已聽群山度晚鍾。寒夜暫將丹
竈訪，洞門詎許白雲封。悠然借宿石床月，肯數華陽第
二峰。**次早登泰山絕頂** 起望山頭宿霧籠，行行指點借
山翁。雲移宮觀千門曉，路入峰巒絕頂通。圖畫天門公

勝槩笑談聲，劇逼層空。從來登眺知多少，悟道何人第

一功

林悅一首

府同知 太平人

登泰山 泰嶽從來紀勝遊，乾坤雲物望中收。天門俯瞰
群峰碧，日觀遙瞻一鏡浮。封禪等碑空往事，巡行御帳
浪傳留。古今多少興亡跡，獨有山靈總未休。

王乾元一首

府同知 費縣人

御帳古松 山盤御帳此穹隆，五樹秦松倚碧空。漢闕唐
宮成寂寂，洞雲海雨尚濛濛。蒼烟繚亂秋霜淡，黛影婆

崑山志卷之三
六
溪曉日紅意扣玄玄尋大藥茯苓根外種還童

邵濬六首

長史太
平人

遊泰山 遙望天門碧落間懸崖絕壁苦躋攀秦封松樹
斜侵路漢紀雲氣晝出山東海日華開遠睫長安風景
逼顏頰近天一步無高處看盡奇觀薄暮還遊靈巖人
說此山多勝蹟我來雙脚倦登遊肩輿繞出諸天外清
樂平臨萬壑幽聽鳥忽疑雙鶴叫凌霄獨上五花樓何
時淨把塵心洗坐石長吟竄上頭續齊書朗公獨立東
山頭袈裟委地無人收猶有山僧說遺跡也留一字詆

春秋曰靈泉味高四數廬山水今日初聞甘露泉便取
龍團寧楚竹清風兩腋散茶烟石龜巖山僧五百一時
來龜飽靈泉口自開今日僧稀泉亦涸空留頑石委蒼
苔飛錫泉何人飛錫始開山法定禪師在此間下有靈
泉堪洗杖又驚化作老龍還

馬應禎一首

通判孟
津人

登岳 嶺岳岱嶽古來傳今日登臨勢果然嶺雲烟生
足下莫於此外更求天

陳龍一首

學正甫
田人

登泰山散步東山第一
松盤旋巘嶠意難窮
水簾瀉落千層雨
御帳松號萬壑風
浩蕩天門峇我入
飄飄仙子許誰逢
宿石上觀滄海
俄吐輪光挂太空

林宇中一首

教諭雙州人

登崑崙一脈東峯峭
卑寰宇玉柱挺層霄
瓊樓石磴瑤臺鞭虜
六龍鯤浪潮
群鮪鬱鬱虬松阿
芬芬逢島圃
清流瀑布幾洞捲
珠簾雨峯之擁星杓
虹梁浸山莽金函
石室吾土女天池
儂我欲往從之烟霞
隔岩筍徐徐步絕
巘若已天孫暗宿月
揚晨翼寒風拂衣
襖東溟灩

火鳥類浴沾塵羽
飛奮軌瑤空
群陰斂無滸
山岳亦有知
逐逐金輪
矧况此肖形
人戈揮日旋
午願讀公高篇
年年降申甫

方元煥三首

舉人臨清人

登東岳嶠嶠迴碧
落千巖萬壑
畫陰陰雲霞
土斂龍又合
風雨金函
勳氣沉松桂
淨依三日榻
登臨送寄十年
心壯遊不負
追司馬
禹穴龍門意更深
午月肩輿
板石徑
火雲曷曷散
諸天五松高
倚仙人杖
三觀寒飛
玉女泉
層翠開
蒸溟海
氣胡塵
西動鴈門烟
不堪絕頂

頻回首莫使浮雲起日邊恣傲來山代宗西國聖地乘興
五馬逢迎一舉杯蘿徑高探盆子寨竹林深護逐公臺
雲開野屋空中出風起山花水上來漫說武陵能避俗
人間此地亦蓬萊

蘇滄一首舉人濮州人

登依仁平生湖海原無二闊覽勝今登第一山夾道濃醺
楓葉赤垂若倒染菊化斑九州禹貢微茫外千里堯封
指顧間星斗瞻依真心尺夜溪環珮響珊珊

王子謙一首津士歷城人

登古唐雨曉凭危京道高寒俯瞰滙源空宙官步愛亂
雲頃萬壑忽驚急雨失群鷗平生自謂凌虛身到此翻
歌行路難幸有古碑秦漢在別廢臺已解縱奇觀晚風
翕翕撼翠微曉雨濛濛寒濕人衣陰崖萬古自辟奇懸瀑
飛石時驚飛燒香野客猶羨舊獻茶山人應掩扉為頌
風伯掃雲霧欲放新晴趁晚歸

馬森二首左布政補建人

登金五教由來獨此宗層層雜樹盡金龍盤迴石磴天
門遺錄渺烟霞日觀崑崙已鎮已標存拜典斷碑何事數

素封不盡高山意石父當年有故蹤
碧霞宮畔小幽居雲外山低若大虛
玉女池中泉最紫
丈人峰上雪偏疏
坐看浮鷲渾成幻
睡覺清直更寂如
夜半四空無色界
月明正好入階除

劉壘六首 蘇軾使 蘇軾人

岱嶽登望嘗聞東嶽峻
今上最高峰吳楚蒼茫外
燕齊指顧中
罡風時振袂
灝氣忽橫空
不道塵寰迥
翻疑僊界通
石竇穿青嶂
仙橋駕碧虛
具教皆培塿
汶泗浸繁紆
樹色浮空遠
泉聲落澗徐
彩雲天外下
彷彿見霞

記

宋

洪邁容齋隨筆應劭漢官儀載建武封禪事每稱天子爲

國家其叙山勢峭險登陟勞困之狀極工予喜誦之其
畧云是朝上山騎行往往道峻峭下騎步牽馬乍步乍
騎且相半至中觀留馬仰望天關如從谷底仰觀抗峯
其爲高也如視浮雲其峻也石壁窅窅如無道徑遙望
其人端如行朽兀或爲白石或如雪久之白者移過樹
乃知是人也殊不可上四布僵臥石上亦賴齎酒脯處

處有泉水復勉強相將行到天關自謂已至也問道中
人言尚十餘里其道旁山脅仰視巖石松樹鬱鬱蒼蒼
若在雲中俛視谿谷碌碌不可見丈尺直上七里賴其
羊腸逶迤名曰環道徃徃絙索可得而登也兩從者扶
掖前人相牽後人見前人履底前人見後人頂如畫重
累人初上此道行十餘步一休稍疲咽脣焦五六步一
休牒牒遽頓地不避燥濕前有燥地目視而兩脚不通
又云封畢詔百官以次下國家隨後明日太醫令問起
居國家云昨上下山欲行迫前人欲休則後人所蹈道

峻危險國家不勞入云東山名曰日觀雞一鳴時凡日
欲出三丈所秦觀者日望見長安吳觀並有望見會稽周觀
者望見高山凡記文之工悉如此而未嘗見稱於昔賢
秦吳周二觀亦無曾用之若今應劭書脫畧惟劉昭補
注東漢志僅有之亦非全篇也

邵伯溫讀見錄客云昔罷兗曹與一二友祠岱岳因登絕
頂行四十里宿野人之廬前有藥竈地多鬼箭天麻玄
參之類將五鼓初各仗策而東僅一二里至太平頂叢
木中有真宗東封壇遺址擁褐而坐以伺日出久之星

斗漸稀東望如平地天際已明其下則暗又久之明處
有山數峯如臥牛車蓋之狀星斗盡不見其下尚暗初
意曰當自明處出又久之自大暗中日輪湧出正紅色
騰起數十丈半至明處却半有光全至明處却全有光
其下亦尚暗日漸高漸變色度五鼓三四點也經真廟
帳宿之地石上方柱窠甚多又經龍口泉大石有罅如
龍哆其口水自中出又經天門十八盤峯尤秀聳北眺
青齊諸山可指數信天下偉觀也

吳慶守錢伯言遊覽記宣和己亥九月二十四日回奉玉

音至奉符催視岳祠後一月伯言至自充明日具香燭
以告上音已而罷黜于會真宮獨登瑞雲亭早飯于行
館遂同令寇岸丞呂光問祠官曹欽承萊蕪令韓僖道
士蘇彥弼謁岱岳觀留連池上復自金母洞過青帝觀
觀文僖丞相遺刻遂遊白龍潭西真御死王芽於水中爰
其泉石之勝迺相與策杖散步還過雞籠峰始復肩輿
躬走社首山視禪壇訪遺迹晚入乾元觀小飯翠陰亭
而歸

元

杜仁傑撰東平張宣慰卷之五泰山記皇皇帝中統元載擢用
宿儒宣撫十道公首與其選公治河東有異政考爲天
下最最上親召勞以卮酒至以字呼朝野榮之越四年
上復命公爲東平宣慰使嘗曰曲阜是夫子之庭泰山
爲中原神岳皆在境下所當親祀以至元重九前三日
辦嚴以行由沂州門出時天宇晦冥翌日至林廟拜三
聖墓雨氣猶未艾信宿抵岳祠明旦登西華門雲則載
陰載陽雨則間作間止咫尺三觀在墨潑染間刹那千
百其變公謂所親曰登頂之約蓋不敢定苟晴矣乃行

否則恐勞而人旣而五鼓將作陰爲之解馭三唱未終
星爲之芒錯于是州刺史張汝霖奉符令張佺司戶王
天挺及從者三百指其有輿輦公而上已而過黃峴鉢
於護駕泉次御帳少憩去天門猶不趨十五里路漸隘
林樹四合就其罅望之天光凝碧如紺珠薄暮至絕頂
由東以望見山影黧黑偃臥無際頃觀李斯碑僅得數
字其餘漫不可識下自登封壇皆歷代磨崖亦復剝裂
惟唐明皇御製紀泰山銘其字大如碗深幾寸泥金錯
落猶有存者日沒少頃寒氣已逼人如仲冬時從者燎

新園坐以待旦參甫中公起步自玉女池登日觀峯六合蹇開肅然無纖滓待蒸蒸時東方曈曈乍離乍合移晷日露其半恍然如入無量金色界中凡在行者莫不嘆詫及迴又得西影直抵昧谷若與崑崙爭長雄公輒奮髯驚叫曰吾此行凡三見岱宗面目吾願足矣噫予自壬辰北渡三十餘年凡九來未嘗覩此奇事雖欲勿紀得乎古者有天人之辯謂人無所不至惟天不容僞真知言哉公純誠人也蓋無往而不協無動而不言無禱而不應是行之異乃一節耳雖然天下之事固有避

迨相合者多矣昔衛旱伐邢師興而雨或者謂適與雨會則非也此特純歸之天烏在所謂由人乎哉至於揮劍成河變晝爲夜或有此理如韓吏部開衡山之雲蘇端明借海藏之春皆我輩之餘事安用詫爲因公此來書諸石以示來者

奉高土嶺書刻延禧殿前

國朝

尚書喬宇序比歲山東饑亢旱千里水泉枯涸運道阻艱上特遣宇祭告東岳東鎮東海諸神入境之日即大霖雨齊魯之地皆霑足祭之日前後又復雨仰思岳神

靈異益屢代祀之禮祀畢乃登絕頂入山之初望之若
近愈上愈不能到蓋重岡蔽其前巨壑偃其下近雖不
露其高而遠則見之道屈曲而上凡五十餘盤經大小
天門東西巖上秦觀越觀峰謁碧霞祠觀始皇封禪碑
超然四望了無限闢下視群峰若培塿在地白雲起自
半山間倏忽隱見變化滅沒莫知其處謂之曰小天下
信其然矣

翰林編脩李學詩登岱宗記畧嗟乎山一也未登仰之彌
高既登則高者復下既下則下者復高峯巒殊而烟霞

參議尚綱述泰山記畧成化丙午春藩臬將巡行郡邑余

與少參彞吾王君世用憲僉淇水劉君廷珪天台潘君
應昌約日偕行乃以正月丁卯發濟南余與世用向夕
宿靈巖寺戊辰抵泰安州己巳廷珪應昌皆來庚午黎

明詣草叅亭拜東岳祠遂肩輿出城北行五里及泰山之麓田紅門路過高老橋傍有水簾洞洞左爲巖巖亭少憩經馬棚崖回馬嶺路漸陡峻再行至黃峴嶺陟嶺東下徑路平坦俗謂之快活三延轉而上及御帳蓋宋真宗駐蹕之所蜿蜒而上歷十八盤至南天門東北行二里及昭真宮認碧霞元君由宮後稍北有東岳神祠祠陰刻唐開元磨崖碑遂上登封臺有玉帝殿前建石表高丈餘或云秦之無字碑復轉東南至白觀峯舍身崖在峯之下西望則有日觀秦觀諸峯北望則有鸚鵡

鵲二崖若西南之丈人峯東南之想孫山尤其秀拔其青嵐鴈飛二嶺鳥蹄桃花二峪與東西二神霄山大小二懸石蛟仙巖明月嶂龜陰埠楊老園昆自在指顧間而下瞰汶洋二河如拖練耳人云秋氣晴肅可以見海余與世用廷珪應昌酌於昭真宮之別室再酌於巖巖亭酒力微醺夕陽欲墜神思飛爽飄然跨滄真凌宇宙之氣槩也山下有呂巖洞王母池白鶴泉則以薄晚不能及其他峯崖林壑幽邃之地佳景尚多不能悉記辛未出城之西門禮王女殿即宋天書觀遂至高里山探

思仙洞令道士執燭以往陰氣侵人不可深入時廷珪
有事在東京余有事在青萊應昌將校士在他郡獨世
用分治秦安乃布席張樂為予三人者饒別歡飲竟夕
而罷夫登覽古今樂事也泰山天下奇觀也四人同遊
藩臬和德也不可不記勝地不常盛筵難再繼此而復
來遊者亦將以興慨慕追歲月云耳是碑在巖巖亭嘉
其旁曰方象由泰山絕頂一起觀尚少參遊記山川如故
英烈何存快哉傷哉後十一年方子之友見之則又如
方子之悲
悲方子也

學按察僉事葉份題石刻
昔顏柳以善書鳴

唐至今稱之必曰顏筋柳骨然魯公以忠烈顯公權以
正諫著炳琅宇宙豈徒以其書邪心齋張公曩為御史
守關武皇北狩抗疏回鑾風采凝然匹休往哲平生究
心字學尤善八書當其濡毫伸紙氣定神閒得心應手
端嚴遒勁蓋有出于顏柳筋骨之外者然世方以茂節
高勳占公大受而游情緒墨公固以為藝成而下矣頃
者公書觀海一六字鑄諸泰山之崖其字畫之妙如吾
前所云噫字心畫也公宋中肆外惟變所適克所至焉
海岱爭崇深可也然亦有巖巖氣象而難恣為水者邪

右稱心齋人品氣節固宜但過許書法
優於顏柳則謬矣賞鑑家當自知之

郡判姚奎遊石屋記秦山東數里許有石屋世傳碧霞元
君煉真之所予公暇欲往觀焉從者曰徑隘不可輿迺
易服帽貂以常帶結腰短策芒鞋命道士劉教弘爲前
導行三四里無復蹊徑披蒙首攀巉巖僂僂而上愈進
愈險下瞰巔崖驚汗浹背又三里盤旋轉一岡而石屋
在望矣有羽士四人癯然而迂予青松絕壑間前牽後
擁迺獲濟焉矐目縱眺上有削鐵奇峯千朵前有夷地
可半畝入其中窈然而深朗然而虛明石竇涓涓凝結

玉柱大十圍高丈餘晶瑩可鑿崖有元君手印玉指宛
然後有石床則元君偃息處左偏一竅透絕頂頂有石
樓可坐三四人冰滑不能升躋攀援登而下力疲臥石
床毛骨洒洒旁有聖水池清冽而甘不盈不涸下有石
曰牛心甚奇怪又下有沈鶴灣深不可測一鶴鳴于上
似與人聲相應和寔真仙境界與塵寰迥絕人之遊泰
山者每以道左日窮焉畫於斯罕到孰知石屋之多奇
迺爾哉石屋於予惜乎遇之晚也嗟夫世之豪傑士固
有終身未之遇者遇矣而晚矣病焉道左日窮以下全
用杭之石屋志文

泰安學正李銘撰姚為總巡泰山記泰山絕頂有神祠

曰天仙玉女碧霞元君岱山岳毓神上通乾象英靈不應
理或然也遠近持辦香燭福於神者肩摩轂擊歲常數
十萬人至則羅拜歡呼競以財獻動數百萬計臺憲藩
臬俸廩餼幣凡百經用或於茲焉取給而征歛不及於
民凋瘵之餘賴以蘇息益國裕民關繫於此詎可主之
非人耶嘉靖乙酉撫按藩司精選州縣廉能官分掌厥
務特東昌別駕雪漁姚先生膺總巡之選先生曰利權
俗吏事也吾人視之當如鴆毒豈容毫縷自污乃集百

執事顛神誓戒俾竭乃心綜理微密覲覲者不得逞其
奸寸鏹縷絲罔或遺漏始于是冬孟月踰年季春之十
日計收金銀錢幣畜產約二萬緡珠玉袍旛弗與也視
往歲加增三之一籍上藩司以備歲用先生廉恕立法
嚴而不苛御下峻而尚簡待士恭而能愛總巡餘半載
饗餼一取於家東昌俸金數驛取之以贍貧士其官給
廩錢則易芻豆俾飼官馬損已利物常情所不堪先生
不以為難也泰山之巔曾巒百餘丈俗號舍身崖有為
匹婦之諒者輒矢於神自投以殞流俗以為壯烈先生

嚴禁諭遣之快活三路平而隘下有深崖險甚夜行失
足而傷亡者屢矣先生捐俸植木欄自是全活者衆臺
臬諸司委以訟牒斷決如流附城爲客邸者數百家前
此嘗科歛之先生曰蝸涎自潤顧欲漁獵之耶吾不忍
也鄉老鄒瑀輩將鐫石以振勵後人屬僕以記先生海
虞人名奎學博辭昌曾未數月著泰山紀行累數千言
泰安名士李文瀚馬載道高民悅諸賢相與倡和顧僕
謏陋曷彰厥美擊秦缶以爲韻只有遺音者矣勉書以
貽之

嘉靖
五年

郡之南臨海也泰山在州治北高四萬餘尺延袤幾
二百里名峯七十有二其巔屹列巖森然而供秀者弗
可勝紀古爲東鎮天下之山莫高焉予往歲偕計上春
官取道登謁時甚寒倉卒以未獲盡觀奇勝爲恨嘉靖
壬午冬予由青城轉東萊司馬臺檄督岱山宗事癸未春
三月六日有輿出自北城門踰小橋二里道左右亂石
綦布近麓有廟祀池館俱壯麗左有老栢數株相傳漢
武帝東封時所植也又一里至紅門跨道爲飛雲閣道
傍爲更衣亭楔扁曰宗岳山循溪產天麻苗精諸藥土人

負筐采之又五里至高老橋有漢壽亭侯祠前桃李
始華稍前為水簾洞泉自天紳巖出飛流垂練聽之冷
泠然下有石橋通泉于溪左為巖巖亭登之畢見景
物又四里至馬棚崖稍前為回馬嶺山石漸峻且奇林
木亦幽邃溪崖有楸有梅杏櫻桃山居者資以為利又
五里至黃峴嶺西行折東北上而復下又西行折東北
則下而復上雖屈曲下上率坦易凡三以里計亦三遊
人疲于峻陟至是舒快名曰快活三古風西巖有竹葉
淺又五里至御帳宋高宗駐蹕之所凡五松高數丈六皇

避雨其下封大夫云竹林僧獻松花餅啖之香美復進
甌茶問之曰東巖所產味亦清苦又五里至大小龍口
兩山懸削水從石峽噴瀉上有古松偃仰若蟠虬然又
五里至十八盤崖間楸榭野棠山榴彌桃或花或實石
磴齒齒倚空仰視似有不可至者乃僂僂攀援以上盤
盡至峽口高處石門題曰南天門有三靈廟又東北二
里為元君祠左側石方池曰玉女泉一名聖水甘寒清
冽汲以烹茗味可比浮槎龍泉又東北至岳神祠祠後
有唐磨崖碑二一為開元紀泰山銘一為乾封朝覲頌

側多古人題詠辭館不可讀又北上至絕頂有玉帝祠
祠前石表丈餘一名秦王無字碑又東南行至日觀峯
入云雞鳴時見日出有石函方丈許人云成化間雨水
衝决得玉檢以獻命中使瘞舊所即此峯之西巍然而
突出者秦觀峯也稍南而獨見者越觀峯也峯之下壁
立萬仞者含身崖也崖之右則試心石仙人橋也延佇
四望滄溟東坼河流天傾而汶水湯湯祗環一綫西南
萬山伏地殆如米撮惟徂徠石父僅露脊可指耳近顧
諸峯若丈人若回鴈若蓮花若明月若東西神霄雲烟

相盪勢若爭雄其不能以一峯名而附之以見者如拱
如揖凜然有變變聽命之狀真竒觀也予始至瘦石嶙
峴剛風怒嘯溪竹崖松宜雪宜月其充足聽聞者樵斧
之聲與崆峒應谷旣而鳥鳴花麗萬谷皆春泉香可發
蔬美可饌山容于是乎忻忻然而人亦得以樂之至於
溪雲出沒而陰晴變化于立談之頃此又造物者之翕
張而莫知其所以然也夫山之景象竒于冬麗于春而
遊人或拘于時止于暫予以公事久于斯而又頓于下
上則夫山之情狀景之變態古人遊豫登眺之迹靡不

襲其芳而踵之茲遊也可不謂獨勝乎書以紀歲月
會事書鰲九月念八日嘉靖乙巳夏予以防秋董成德州
九月朔聞侍御南渠黃公東巡既過由沂而北歷兗濟
以至泰安予迎而侍之適未至而重陽且屆期焉刺史
仲言永曰九日登高舊事也請追之予然而告之曰九
日天之勝也凡一丘一阜皆足以記時令泰山地之勝
也自古封而禪之凡得以躡其巔者皆足以齒壯遊予
闔座也乃逢是日而獲登之顧不勝與於是改制登山
之輿詰旦爰登而刺史從焉窮其所至山中古今所傳

前人之述備矣惟是日也天朗氣清金風載爽坐玉皇
之頂撫浚字之碑則見聯絡岳鎮翼我 皇圖蕃河控
秦吳之盛崑崙為夷夏之觀廓如也既而日忽忽其將
暮景翳翳以偕入百靈萬籟之嗟作焉吾馮而夷猶之
心曠神怡景物偕融灑氣同流若有以揖太乙而參之
焉者不敢以荒也退而就館舍旦復躡日觀峯則見心
房之野昧爽朏明黑雲驅而上浮黃雲擁而下升朦朧
掩靄之間忽有點若朱丹若火焰破重霧而耀紅光奇
觀也酒更而半出雲間則天明景藏予且歸矣歸而下

歷水簾洞聞其東有石經爲王右軍所筆但山峻峪深
不可以行耳乃息有輿攀緣而上杖屨而下則見盤石
若礪大書蒼拙體在而神思飛逸歷千萬載爛然與天
文上下日相昭回鬼神呵護之功哉間有爲巔石落而
破壞者有爲水浸溜而就平者豈造化亦有所忌也與
世傳真草小書與此大相迥別或疑其未必出諸右軍
云旣而西訪竹林禪刹無以觀也惟有所由之峪則恍
若山陰蘭亭之狀泉落百丈之崖若拖練而下爲齋湯
子題曰瀑布淵深白龍之池零則取水迎而禱之予題

曰霖原細流屈曲而出可以浮觴夾流獨石可以盤坐
溪山掩映嵐光流瀆可以題詠又出而磐石橫亘擘若
白壁方之經石爲小聞有前人之作求之弗得則天又
且暮而歸惘惘然有未盡之懷也吾徒春元劉一桂者
知其處曰携匡搨之以獻乃元初天曆間辟世之士之
所作也噫予南人獲遊上國最晚信宿盡得天地古今
之勝豈非遇與剡史君曰九日登泰山閱諸編帙未之
前覩也可以無紀乎遂記之又爲之詞曰泰山兮崔嵬
九日兮凄清登絕頂兮龍從乘天風兮震鷲雜芳珮兮

陸離飲菊酒方酪酊追遺踪方不可見問太空方真真

泰安州知州鄭襄東校補

學正陳寵

訓導盧楓

新泰縣教諭林宇中校正

生員劉洋 侯貴

尹鳳儀

李汝桂同校

泰山志卷之三終

